

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Aus Karlsruhe's Volksleben**

**Gutsch, Friedrich**

**Karlsruhe, 1876**

Unser Thiergaarte

[urn:nbn:de:bsz:31-32885](https://nbn-resolving.org/urn:nbn:de:bsz:31-32885)

## Unser Thiergaarte.



Alterle, i sag D'r, d'r Thiergaarte isch fein  
Des Johr; — 's batt alles nix, do muß m'r nein.  
Wam-m'r sich tüchtig will verluschte, r,  
Odder d'Familie schpaziere führe,  
Odder e schöne Musik will höre,  
Odder en guter Kaffee begehre,  
Geht m'r halt einfach als nowler Feger  
Anstatt uf Durlach zum Hollweger.  
Die Durlacher thun bei uns ah nix verzehre,  
D'r Thiergaarte awwer muß hier sich ernähre.  
Zawohlich, der thut von de Karlsruher lewe,  
Un weil 'r des thut, so mein ich ewe,  
M'r bleibt seiner alte Kundschaft treu,  
Wann's weiter nix loscht', 's isch jo einerlei.  
Herengege lewe-n ah mir widder von-en,  
Un wann'r was rauschlagt, ha non, ich gonn-em  
Des bisle Profit, dann ven dem muß m'r lewe,  
Und daß 'r des kann, — non, des isch's jo ewe,  
Wo m'r grad schwäke thut drüwver un zerse,  
Ich denk doch, m'r werd noch was sage derse!



Mir sinn also letschtlin, mein ganze Familie  
Im Sonntagsstaat, rauspußt mit Schleife-n und Schnulle  
Un was m'r sich sonst noch vor Flitter ufhalst,  
Mitenander naus in d'r Thiergaarte g'walzt.

Hoß heilich Williarde, isch der rausranschirt,  
Haw-ich emol denkt, un mein Kinder rung'führt;  
Die hemm ihr Pläfir an de Kakadu g'hat,  
Sernegege den Emu haw-ich uf d'r Latt;  
Raum dreht sich mein Fraa un guckt nach-m Reiber,  
So freßt die Kanallie von hinte-n ihr Schleier.  
Des kam-m'r noch brauche bei denne Fleischpreise,  
Do g'falle mir besser die Schäfle, die weiße,  
Die Wellebabbegie un die Goldfajane,  
Die Storch-e-n un Pfau-e-n un Puterhahne.  
„Vatter, jetz guck doch dem Ding emol zu!“  
Ruft mein klein Büwle bei'm Känguruh,  
„Was des do vor Füßle hat un for en Schwanz  
Un in seine Keugle en lieblicher Glanz,  
Un guck emol dort denne Hirschle ihr' Kälwer,  
Gell Vatter, die mache-n ihre Zunge selwer?“

„Natürlich,“ sag 'e, „du dappiger Bu,  
Eß laß me emol mit dem G'schwätz in Ruh,  
Komm weiter, m'r gehn zu de Bä're nümwer,  
Gew-Ncht uf die Wurze un stolper net drümwert!  
I sag's jo, do liegich eß, so nimm De doch z'jamme,  
Sonscht bleibsch for's nächstmol daheim bei d'r Mamme.“



Da Muscho, komm Lisett! — Gell awwer die Bäre,  
Was die emol Schtücker Brod verzehre!  
Bei dem Verdiencht alleweil, dem niedere,  
Könnt m'r bei denne arm sich fiedere.  
Bitt schön, Lisett; Muscho, da hennt'r noch was!  
Jez komm, Büwle, alleweil kommt e frisch Fasz,  
M'r gehn eweil niwwer in d'Wirthschaft un baffe,  
Bis d'Andere widder sich sehe lasse.  
Du b'schtellsch D'r e Breyel un ich guter Schinke,  
Do könne m'r ah widder g'hörich druf trinke.  
Was Deifels heut nor ah d'r Wirthschaft einfallt,  
Dreiviertel Stund waarte, non kriege m'r's bald"?  
„Glei, glei,“ sagt 's Mädle, „i möcht nor zehu Händ,“  
„Jo“, sag' e, „'s wär' besser for d'Wirthschaft ant End';  
Wann mehner Bedienung do wär un mehr Mädle,  
So giengt bei Euch Sonntags die G'sicht wie am Fädle.  
Die Schpeise sinn gut un 's Bier ewefalls,  
Nor fehlt's an Bedienung Euch, sell mein-e als!“

Wie e so drinne bin im Rässenire,  
Hör' e zwei Herre newedran discherire:  
Allsonntäglich Konzerte, sagt einer, des hätt'r  
Im Sinn bereits z'mache bei gutem Wetter,  
Un eweso miechte m'r projektive,  
Noch Mittwochskonzerte ufzuführe,  
D'r Pawillon thät ah mit Gas beleucht' werre,  
So daß die Karlsruher Dame-n un Herre  
Dann schpicke miechte, wie fein-elegant  
Die Sach arranschirt sei mit Geischt un Verstand.



Aha, haw-we denkt, so viel als ich seh,  
Sinn des zwei Herre vom Comite,  
Sonscht thäte se net so von denne Sache,  
Was alles noch g'schieht so e Ufhwes mache.  
So haw-we for mich denkt un sag' im Vertraue:  
Nor ruhig abwaarte un net vörher g'schraue,  
Ob die sich mit ihre Projekter tummle,  
Des werre m'r sehe beim näg'schte Numbummle.

~~~~~

Seit neuerdings komm' ich ek öfters naus,  
Un net wöhr, „gell ek siehst ander'scht aus?“  
M'r merkt ewe glei, was e schaffende Hand  
Zu leischte vermag im Vereinsverband.  
Seitdem, daß m'r mich in's Comite g'wählt hat,  
Hat m'r eing'sehe, was drausse g'fehlt hat,  
Denn allbereits schon in de näg'schte Tage  
War Alles im Blei, un muß Jeder sage,  
Daß nirgends e Plätzle so heimisch un fein  
Kann in d'r ganze Umgegend sein,  
Als jeh unser Thiergaarte, wo gemüthlich  
Zu sich vereiniht unterschiedlich  
Jeglichen Shtand un jegliches Alter  
Vom nowelschte Mann bis zum Rümnick'schpalter,  
Vom Graf bis zur Kinderhütende Schwäbin,  
Un b'sonders, — seitdem ich im Comite bin.